

»Redovni izvještaj dnevnih događaja i pojava«

Izvještaj se odnosi na događaje u vremenskom periodu od 10.11.2025. godine od 08:00 sati do 11.11.2025. godine do 08:00 sati.

Prema podacima kojima raspolaže Kantonalni operativni centar CZ-e, službe od posebnog značaja radile su na izvršavanju svojih redovnih zadataka.

POŽARI (LP-3)

Općina Sanski Most. Vatrogasna jedinica općine Sanski Most je imala intervenciju od 19:00 do 19:30 sati u Ulici Hamzibegova, gdje je gorio dimnjak.

Tehničke intervencije.

Grad Bihać. Vatrogasna jedinica grada Bihaća imala je dvije tehničke intervencije:

- U ulici Trg Zlatnih Ljiljana, otvaranje stana.
- U ulici Srebrenička uklanjanje grane koja je visila i ugrožavala prolaznike.

Vatrogasne jedinice u ostalim općinama/gradovima nisu imale intervencija.

OBLAST SAOBRAĆAJA (prohodnost puteva, drumski i željeznički saobraćaj)

Svi magistralni i regionalni putevi su prohodni.

Zbog radova na održavanju magistralne ceste Vrtoče–Bosanski Petrovac (područje Medenog Polja), saobraća se usporeno, jednom trakom. Molimo vozače da na navedenoj dionici prilagode brzinu i način vožnje uslovima na cesti, te da poštuju postavljenu privremenu saobraćajnu signalizaciju.

Na magistralnoj cesti Vrhpolje-Ključ (dionici Kamičak-Ključ), zbog radova na izgradnji mosta preko rijeke Banjice, saobraća se naizmjenično, jednom trakom.

Na graničnim prelazima zadržavanja za putnička vozila nisu duža od 30 minuta.

Zbog registracije putnika po novom sistemu izlaska i ulaska u zemlje Evropske unije (EES, Entry/Exit System), moguća su duža zadržavanja na graničnim prelazima.

BEZBJEDNOST U SAOBRAĆAJU (LP-7) (saobraćajne nezgode)

Na području USK-a u protekla 24 sata desile su se četiri saobraćajne nezgode.

Jedno lice je zadobilo lakše tjelesne povrede, te je pričinjena materijalna šteta.

OŠTEĆENJA ELEKTRIČNE MREŽE (LP-18)

Općina Bosanski Petrovac. Od 18:51 sati zbog kvara u prekidu je 20 kv DV Bukovača.

Elektroenergetski sistem u ostalim općinama/gradovima je stabilan.

OBLAST TELEKOMUNIKACIJA (LP-18)

Telefonske veze funkcioniraju u svim pravcima.

OBLAST VODOSNABDIJEVANJA (LP-18)

Vodosnabdijevanje je zadovoljavajuće.

NEEKSPLODIRANA UBOJNA SREDSTVA –NUS (LP-19)

Grad Bihać. Na telefon u operativnom centru Kantonalne uprave civilne zaštite USK obratio se građanin koji je prijavio da je u rijeci Uni uočio NUS. Sačinjena službena zabilješka i proslijeđena na dalje postupanje.

METEOROLOŠKO-HIDROLOŠKA SITUACIJA

U gradu Bihaću u 07:00 sati temperatura je iznosila 1 °C.

Vodostaj rijeke Une iznosi 24 cm, (početak obavješćavanja je 100 cm).

U općini Sanski Most u 08:00 sati temperatura je iznosila 6 °C.

Vodostaj rijeke Sane iznosi 83 cm (početak obavješćavanja je 310 cm).